

Fundur stjórnar Pírata í Reykjavík

7.3.2018, Tortuga

Mætt: Rúnar Björn Herrera Þorkelsson (RBHB), Björn Þór Jóhannsson (BJ), Árni Steingrímur (ÁS), Hermann Björgvin (HB), Unnar Þór Sæmundsson (UPS) og Guðjón Sigurbjartsson (GS) sem skrifar fundargerð.

Þetta gerðist:

1. Upphaf fundar

Björn kosinn fundarstjóri og GS ritari.

2. Fundargerð síðasta fundar.

Fundargerð telst hún samþykkt þar sem ekki hafa komið fram athugasemdir við hana.

3. Ráðning kosningastjóra fyrir höfuðborgarsvæðið

Lagðar fram umsóknir. Rúnar gerði grein fyrir viðtölum við umsækjendur.

Samþykkt samhljóða að mæla með að framkvæmdastjóri gangi til samninga við Róbert Inga Douglas

4. Tillaga að verklagi unnin af Jóni Þór

Bréf til frambjóðenda Pírata í prófkjöri og til sveitastjórnarkosninga 2018

Tilgangur Pírata er að móta sér stefnu í opnu ferli og vinna að framgöngu hennar með þeim aðferðum sem standa til boða (grein 2.2 í lögum Pírata). Í dag stendur Pírötum til boða að bjóða fram til sveitastjórnarkosninga og þið hafið boðið ykkur fram til að leiða þá kosningabaráttu.

Tilgangur framboðs aðildarfélaga Pírata til sveitastjórna er að fá kjörna sveitarstjórnarfulltrúa sem starfa í þágu aðildarfélagsins og taka mið af grunnstefnu Pírata og stefnumálum aðildarfélagsins byggðum á henni.

Sameiginlegt markmið okkar allra í kosningunum eru sem flestir kjörnir fulltrúar til að vinna að tilgangi Pírata í sem flestum sveitafélögum.

Árangur í komandi kosningum til sveitastjórna veltur á ykkur frambjóðendum.

Ábyrgðin á framboðinu er alfarið aðildarfélagsins á ykkar kjörsvæði.

Hlutverk framkvæmdarráðs afmarkast við að leggja til aðstoð sem gagnast öllum frambjóðendum og framboðum.

Í þessu felst:

- í fyrsta lagi að aðildarfélög sem fylgja lögum og grunnstefnu Pírata hafa sjálfræði yfir sínum stefnumálum, frambjóðendum og framboðum.
- í öðru lagi að framkvæmdarráð leggur aðeins til aðstoð sem gagnast frambjóðendum og framboðum í heild en veitir ekki aðstoð sem er einhverjum þeirra til ógagns.
- Og síðast en ekki síst eru það frambjóðendur sem þurfa aðstoð aðildarfélaga, framkvæmdarráðs og allra Pírata til að við náum sem bestum árangri í komandi sveitastjórnarkosningum.

Tillagan samþykkt samhljóða. Samþykkt að láta lýsinguna fylgja bréfinu sem verður sent til frambjóðenda.

5. Birting gagna úr síðustu prófkjörum

Eftirfarandi póstur barst stjórn PÍR

Til stjórnar PÍR

Hér með legg ég til (eða fer fram á, sem frambjóðandi, sé þess krafist) að birt verði gögn um atkvæði í prófkjöri til Alþingiskosninga, sem fram fór í október 2017.

Ég legg til að:

- Allir atkvæðaseðlar séu birtir, en til vara að
 - Birtur sé fjöldi atkvæða sem hver frambjóðandi fékk í hvert sæti.
- Bestu kveðjur,
Einar Steingrímsson

Samþykkt að fela Árna og Atla að svara að hægt er að birta tölulegar upplýsingar en ekki kjörseðla í heild sinni.

6. **Kynning frambjóðenda í komandi prófkjörsviku**

Kynningarvikan frambjóðenda hefst 12. mars. Rætt um kynningarráð.

- Kosningapróf fyrir frambjóðendur
Rætt um æskilegar spurningar.
Atla falið að semja spurningar.
Hann mun heyra í frambjóðendum og safna hugmyndum á stefnu-uppskerufundinum á laugardaginn 10.3. Prófið þarf helst að vera tilbúið 12. mars þegar prófkjörið hefst.

- Myndbönd fyrir hvern frambjóðenda.
Kosningastjóra verður falið að sjá um gerð kynningar myndbanda fyrir frambjóðendur ásamt kosningaráðgjafa og framkvæmdastjóra. Þau þurfa að vera tilbúin í kynningarvikunni fyrir prófkjörið.

- RBH stefnir að því að taka frambjóðendur í videoviðtöl í þáttunum „Ævintýri Rúnars“. Þau mætti svo nota til kynningar.

- Kynningarkvöld / kokteilboð frambjóðenda.
Stefnt á laugardaginn 17.2. febrúar.
Hafa þá kokteilpartý og „opinn mike“ fyrir frambjóðendur?
Grilla pylsur upp úr kl. 18 og hefja dagskrá?
Nánari útfærsla í höndum starfsmanna.

Samþykkt að setja fé í að birta kynningarmyndböndin og kynna prófkjörið.

7. **Veitingar fyrir uppskerudag málefnavinnunnar**

Dóra Björt óskar eftir fjárhagsaðstoð til að kaupa veitingar fyrir uppskerudag málefnavinnunnar laugardaginn 10. mars. Samþykkt að allt að 100 þús. kr. og að Píratar leggi út fyrir upphæðinni. Skipt verður jafnt milli aðildarfélaga.

8. **Fleira gerðist ekki, fundi slitið.**